

Habenaria Jimenezii Schltr. n. sp.

Terrestris, erecta, valida, c. 80 cm alta; radicibus filiformibus, elongatis, flexuosis, glabris; caule valido, in speciminibus nostris 11—12-foliato, tereti, glabro, c. 8—9 mm diametente; foliis lanceolatis, acuminatis, erecto-patentibus, ad 12 cm longis, medio fere ad 2,5 cm latis, superioribus sensim decrescentibus; racemo subdense multifloro, elongato, c. 20 cm longo; bracteis erecto-patentibus, lanceolatis, acuminatis, inferioribus flores subaequantibus, superioribus sensim brevioribus; floribus viridibus, illis *H. odontopetalae* R. f. paulo minoribus, glabris; sepalis ovatis, obtusiuscule acuminatis, 5 mm longis, lateralibus obliquis; petalis oblongo-ligulatis, apice grosse tridentatis, supra basin margine anteriore angulo adscendente prosiliente donatis, quam sepala subaequilongis; labello decurvo, lineari-ligulato, obtuse apiculato; basi rotundato, 5 mm longo, calcare dependente, leviter arcuato, gracili, subacuto, dimidio superiore vix dilatato, 1 cm longo; anthera suberecta, obtusa, canalibus mediocribus, subporrectis; processibus stigmatiferis clavatis, quam canales antherae paulo brevioribus, ovario cylindraceo, pedicello incluso 1,8 cm longo.

Costa Rica: Rio Virilla. — O. Jimenez n. 631, Nov. 1912.

Ohne Zweifel mit *H. odontopetala* R. f. verwandt, aber von viel kräftigerem Wuchs, mit viel längerer, vielblütiger Traube, kleineren Blüten, schärfer dreispitzigen Petalen mit nicht basalem mehr nach oben vorspringendem Randwinkel und schmalerer am Grunde abgerundeter Lippe.